

14.08.2025

UKA2025/146

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Greenland Airports International A/S-imi piginnissutsit tamakkerlugit pissarsiarinissaat siunertaralugu, Naalakkersuisut naalagaaffiup oqartussaasuinut (Rigsmyndighederne) saaffiginninnissaannut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Pele Broberg, Naleraq)

Tunngavilersuut:

Attaveqaasersuutit pingaaruteqavissortut piginnilugut. Tamanna toqqissisimanangvissorpoq, ingammik ullutsinni.

Nuummi Ilulissanilu mittarfinnut Naalagaaffik Danmark piginneqataavoq. Attaveqaasersuutit pingaaruteqavissortunut, mittarfinnut inuiaqatitta akiligaannut akilersugassaannullu Naalagaaffik Danmark allanut sanilliukkaanni akikitsumik piginnittuuvog.

Mittarfiit koruunit milliardit arlallit atuiffigisimasatsinnut, sulilu atuiffigisassatsinnut, Naalagaaffik Danmark pingasorarterutaanik piginnittuuvog. Piginneqataaneq annertungaatsiartog piviusumik taamaallaat 100 millionit koruunit arlaqartorsuunngitsunik akiliutigilugit pisiarinikuusaat. Sinnerimi aningaasat utertitassaallutik attartorneqarput. Utertippatalu Danmark sulig piginneqataasussaavoq.

Tamanna Naleqqamit allanngortikkusupparput.

Aalajangiiffigisassatut siunnersuutit akuerineqarnerani Naalakkersuisut Danmarkimi Naalagaaffiup oqartussaasuinut (Rigsmyndighederne) aktie-nik piginnittuussutsit pissarsiarinissaannut akeqanngitsumik akeqanngingajattumilluunniit isumaqatigiissuteqarniassallutik saaffiginnissapput.

Tamanna pisinnaavoq, siunnersuutillu tamassuma akuerinerani Naalakkersuisut piumasaqaatiginissaannut peqquneqassapput. Kalaallit Airports Holding A/S aamma Den Danske Stat akunnerminni Piginnittuussutsimut isumaqatigiissutaani (Ejeraftalen), Kalaallit Airports International A/S-imut pineqartut aktie-nik piginnissuteqarneranut tunngasumik ilaatigut imatut allassimasoqarpoq [*dansk-isut allassimavoq*]:

"13.5 Købstilbud fra Selvstyret

*13.5.1 Såfremt Selvstyret afgiver et bona fide tilbud på erhvervelse af Statens samlede aktiepost i Selskabet, er Staten indstillet på at indgå i forhandlinger mellem Staten og Selvstyret herom."*¹

Tamanna tunngavigalugu akeqanngitsumik akeqanngingajattumilluunniit isumaqatigiinniarnissamut siunnersuuteqarnissaq Naalagaaffiup akkerlinissaanut tunngavissaqanngilaq. Taamaammat kingusinaannginnitsinni tamanna anguniarlugu isumaqatigiinnialereerniarta.

Danmark-imi innuttaasut Nunatsinni nammieernerunissatsinnut akkerliusut amerliartuinnavipput, isumasiuinerit ilai aallaavigalugit 70%-it taamatut isumaqartut². Inuiaat Kalaallit akornanni toqqissisimananngitsumik ernumanartumillu pilersitsisinnaavoq, ingammik politikkikkut pissaanerit siunissami allanngorsinnaaneri ilutigalugit attaveqaasersuutigit sakkuliullugit nammieernerunissatsinnut killilersuiniartitsisoqarsinnaanera.

Uagut nunarput, uagut attaveqaasersuutigit, Inuiaat Kalaallinit pigineqarput pigineqartussaappullu. Nunasiaatiginninniarnarup piffissai qaangiutereerput, nunat tamalaat akornanni inuiaassuseqarnerput akuerisaareernikuutillugu Naleqqamit pissusissamisoortutut isigaarput Inuiaat Kalaallit namminneq attaveqaasersuutsitik pigissagaat.

Qujanartumik sulii periarfissaqarpugut. Iliuuseqarta.
Qujanaq.

Pisortanut aningaasatigit allaffissornikkullu kingunerisassat

Kalaallit Airports Holding A/S aamma Den Danske Stat akunnerminni Piginnittuussutsimut isumaqatigiissutaani (Ejeraftalen), Kalaallit Airports International A/S-imut pineqartut aktienik piginnissuteqarneranut tunngasumik ilaatigit imatut allaqqasoqarpoq [*dansk-isut allassimavoq*]:

"13.5 Købstilbud fra Selvstyret

13.5.1 Såfremt Selvstyret afgiver et bona fide tilbud på erhvervelse af Statens samlede aktiepost i Selskabet, er Staten indstillet på at indgå i forhandlinger mellem Staten og Selvstyret herom."

¹ Ejeraftale - Vedrørende Kalaallit Airports International A/S

² Isumasiuineq Epinion-imit DR-imut Altinget-imullu ingerlanneqartoq (2025).



Tamanna tunngavigalugu akeqanngitsumik akeqanngingajattumilluunniit
isumaqatigiinniarnissamut siunnersuuteqarnissaq Naalagaaffiup akerlerinninnaviangilaq.

Isumaqatigiinniarnit kingunerisaani akigitinneqartussa q aalajangiisuusaaq.

**Namminersorluni inuussutissarsiuteqarnermut aningaasatigut allaffissornikkullu
kingunerisassat**

Aalajangiiffigisassatut siunnersuuterpiaap akuerineqarnera toqqaannartumik
namminersorluni inuussutissarsiuteqarnermut aningaasatigut allaffissornikkullu
kingunerisassaanik immikkut pilersitsinaviangilaq.

Innuttaasunut aningaasatigut allaffissornikkullu kingunerisassat

Aalajangiiffigisassatut siunnersuuterpiaap akuerineqarnera toqqaannartumik innuttaasunut
aningaasatigut allaffissornikkullu kingunerisassaanik immikkut pilersitsinaviangilaq.